

Universitätsbibliothek Paderborn

**Disputationum// Roberti Bel-/Iarmini Politiani,// Societatis
Iesv// De Controversiis// Christianae Fidei, Adver-/sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

IV. Secunda ætas Ecclesiæ ab anno Domini C. ad CC. Testimonium Iustini.

[urn:nbn:de:hbz:466:1-54113](https://nbn-resolving.de/urn:nbn:de:hbz:466:1-54113)

Audiamus nūc quid ipse pro se adferat ex Dionysio. Adfē
igitur illa verba ex eodem cap. 3. part. 3. Pontifex opertum
uem & indutum aperit, & infra concidit.

RESPONDEO; Miram esse aduersariorum importunita-
tem, qui si in uno, vel altero Patre legant Eucharistiam voca-
ti panem, statim clamant, Eucharistiam nihil esse, nisi panem
propriè dictum: & cùm in omnibus Patribus in infinitis lo-
cis legant Eucharistiam esse corpus Christi, tamen non volunt
admittere corpus villo in loco propriè accipi. Dico igitur pa-
nem vocari Eucharistiam, sed panem celestem, & diuinum,
non triticeum: nam paulò antè (vt diximus) idem Dionysius
scribit eum panem esse hostiam ipso Pontifice longè digno-
rem, ita vt excusatione illi opus sit, quòd rem tam eximiam
tractare audeat.

CAPVT QVARTVM.

SECUNDĀ ætas Ecclesiæ ab anno Do-
mini C. ad CC.

Testimonium Iustini.

Post Apostolorum discipulos in SECUNDĀ æta-
te Ecclesiæ tres habemus testes insignes, & indu-
bitatos, Iustum Martyrem, Pium I. Pontificem
& Irenæum. IUSTINVS igitur Martyr in Apolo-
gia 2. ad Antoninum Imperatorem, sic loquitur de Eucharistia:
Ἐ γὰρ ὡς κοινὸρ ἀρτοῦ, ἐδὲ κοινὸρ τῷ ματα-
λαμβάνομεν, ἀλλὰ ὥρ τρόπον οὐ λόγος θεῶς σαρκο-
ποιηθεῖσιν χριστὸς ὁ σωτὴρ ἡμῶν καὶ σάρκα, καὶ
αἷμα ὑπὲρ σωτηρίας ἡμῶν ἔσκεψι: Ὅτῳ καὶ τῷ δὲ
εὐχῆς λόγῳ τῷ θεῷ τῷ ματέρα τῷ εὐχαριστεῖσαρ τῷ
φαρῷ, εἴ τις αἷμα τοὺς σάρκες ιεταὶ μεταβολὴν τοῦ
φονταὶ ἡμῶν, ἐπείνα τῷ σαρκοποιηθέντος ἰησοῦ, καὶ
σάρκα, καὶ αἷμα εἰδιδάχθημεν εἶναι. Non enim εἰ com-
munem panem, neque communem portum hac sumimus, sed
quemadmodū per Verbum Dei incarnatus Iesus Christus Sal-
uator noster, & carnem, & sanguinem pro salute nostra ha-
bitum:

buit: sic etiam per preces Verbi Dei ab ipso Eucharistiam factum cibum, ex quo sanguis, & carnes nostra per mutationem aluntur, illius incarnati Iesu, & carnem, & sanguinem esse edocti sumus. Hæc ad verbum ex Græco interpretatus sum; quia queri solent hæretici sèpènumerò de interpretationibus Catholicorum. Solùm ambigi posset de illa voce: *Eucharistiam factum*; nam Græca vox, Εὐχαριστία, significare potest, super quem gratiæ actæ sunt, vel barbaro vocabulo, *Eucharistizatum*, vel (ut nos reddidimus) *Eucharistiam factum*. Sed non refert quidquam hoc ad rem propositam.

Ex hoc igitur loco duobus modis colligitur sensisse Iustinum, veram Christi carnem propriè in Eucharistia contineri. PRIMO ex eo, quod simpliciter asserit panem Eucharistiae non esse communem panem, sed carnem Christi: neque villam mentionem facit tropi, aut figuræ alicuius. Nam si Eucharistia esset significatiuè caro Christi, & non realiter, id Iustinus omnino dicere debuisset: scribebat enim Apologiam pro Christianis, quibus præter alia crimina obiiciebatur māducatio carnium humanarum in sacris, ut patet ex Tertulliano in Apologeticō, cap. 7. & ex Minutio Felice in Octauio: & quod maximum est, ex Athenagora, qui in Apologia ad eundem Antoninum tria crimina refellit falsò Christianis obiecta; quod Deum non esse crederent; quod humanis carnibus vescerentur; quod promiscuo concubitu vterentur. Certè enim ad hoc abolendum crimen omnino dicendum fuit Christi carnem à Christianis non comedì, nisi significatiuè. Et etiamsi id crimen non fuisset Christianis obiectum, stultus fuisset Iustinus, si absque villa necessitate mysteria religionis facillima ipse incredibilia suis verbis fecisset, ad ethicum Imperatorem scribens.

SECUNDO, id colligimus ex comparatione Eucharistiae, quam facit Iustinus cum mysterio Incarnationis. Ut enim doceret non temerè Christianos credere panem fieri carnem, adducit in medium aliud mysterium æquè difficile: qua enim potentia fieri potuit, ut Deus incarnaretur, eadē fieri potuisse dicit, ut panis fieret caro. Vbi nisi re ipsa velit affirmare, panem fieri carnem, sed solùm significatiuè, frustrà adducit exemplum Incarnationis: nullum enim est miraculum facere, ut panis significet corpus Christi.

Vtrum-

Vtrumque argumentum soluere nititur Petrus Martyr, & contrarium etiam colligere ex hoc loco Iustini in lib. contra Gardinerum, obiecto 13. & 151. Ad PRIMVM nostrum responderet, Iustinum non dixisse panem Eucharistiae esse figuram corporis Christi, sed dixisse esse ipsum corpus, quia ita inter se loqui solebant Christiani eo tempore, nec fuisse periculum, ne ethnici putarent nos verè, & propriè comedere carnem Christi, tum quia dixerat Iustinus, panem, & vinum proponi in sacra mensa; tum quia poterant facile Gentiles colligere, verba illa Christi: *Hoc est corpus meum*, à Iustino citata, esse intelligenda Sacramentaliter; tum denique quia Iustinus dicebat, non cuiusvis hominis carnem à Christianis manducari, sed solius Christi, qui iam resurrexerat, & in cœlū ascenderat.

A T Petrus Martyr multa dicendo, nihil dicit. Nam etiam si Christiani ita inter se loquerentur, tamen debuit defensio Christianorum Imperatori ethnico, & imperito rerum nostrarum, explicare tropum in illis verbis constitutum; alioquin non tollebat, sed augebat suspicionem criminis Christianis obiecti. DEINDE, etiamsi Iustinus dixerit, panem, & vinum proponi in sacra mensa; tamen addidit, post mysticas preces non esse amplius panem, & vinum commune, sed ipsam carnem, & sanguinem Christi. Et ridiculum est debuisse, vel potuisse Imperatorem ethnicum per se intelligere verba Christi esse accipienda Sacramentaliter: vnde enim id colligereth homo Gentilis, qui neq; an Sacraenta essent, audiuerat? Opinatur fortasse Petrus Martyr Imperatorem illum versatum fuisse in schola Caluinistarum, vt statim ad tropos omnia reuocaret. DENIQUE, quod additur de Christi resurrectione, non tam explicat, quam implicat magis difficultatem, & sine villa caussa reddit fidem nostram homini Gentili prorsus incredibilem. Itaq; insolubile manet hoc dilemma; Aut poterat Iustinus verè dicere, carnem Christi à Christianis solum in signo manducari, aut non poterat: si poterat, prævaricator fuit causa Christianæ; nam odiosissimam reddidit fidem, & auxit criminum suspicionem, cum posset uno verbo & fidem probabilē facere, & crimen diluere: si non poterat, certè ideo non poterat, quia verè, & non in signo tantum datur nobis comedenda Christi caro.

Ad SECUNDVM nostrum argumentum responderet Mar-

ty,

tyr, &
cont
i resp
am co
interf
colum,
carnem
roponi
lligere,
ata, ill
inus di
nand
ascen
etiam
efens
um no
alioqui
ristianis
vinum
s prece
am ca
vel po
Christi
eret ho
t? Opi
ersatum
nia re
tione,
& sine
rius in
it pot
solidum
aricato
dem, &
& fidem
rte idèo
r nobis
et Mar
tij,

t, Iustinum idèo explicuisse Eucharistiam exemplo Incarnationis, ut ostenderet contra hæreticos Marcionistas nos veram Christi carnem per fidem accipere. Nam si Christus nō assumpsisset per Incarnationem veram carnem, sed simulatam, & fictam, vt Marcionitæ, & Valentiniani hæretici dicebant, non esset Eucharistia signum veræ carnis, neq; nos veram carnem participaremus.

A T non probat hoc loco Iustinus Incarnationem ex Eucharistia, sed è contrario, Eucharistiam ex Incarnatione. P R A E T E R E A Iustinus hoc loco non scribit contra hæreticos, nec mentionem eorum facit, sed persuadere vult Imperatori nō esse impossibile mysterium Eucharistiae apud eos, qui credunt mysterium Incarnationis. A D D E, quod Imperatores, & ceteri ethnici tantum aberant ab opinione Marcionis, vt nihil dubitarent Christum habuisse veram carnem, cum id perpetuò Christianis obiicerent, Christum à Pilato verè crucifixum, & necatum fuisse: nulla ergo fuit causa, cur Iustinus exemplum Incarnationis adferret ad probandum Christum habuisse veram carnem. P R A E T E R E A, si Eucharistia nihil esset nisi panis significans carnem Christi, nihil inde concluderetur contra Marcionem: nam diceret ille Christum habuisse carnem phantasticam, & apparétem, & eam significari per Eucharistiam; idèo veteres non probant ex signo isto Eucharistiae, Christum habuisse veram carnem, sed probant ex communi sententia, & fide Ecclesiæ, quæ erat, Eucharistiam esse verè carnem Salvatoris. Quocirca (vt dicit Ignatius) hæretici illi simpliciter repudiabat Eucharistiam. D E N I Q V E, Iustinus cōparat Eucharistiam cum Incarnatione, quoad modum, quo vtrumque factum est: dicit enim eo modo per precēs verbi Dei panem fieri Eucharistiam, & tunc esse carnem Christi; quomodo per verbum Dei, id est, per virtutem, seu imperium Dei, Incarnatio facta est. At si Eucharistia non esset corpus Christi, nisi significatiuè, non esset opus ylla prece consecratoria, sed satis esset prima institutio Christi: vnde eam Caluinistæ nullam adhibent consecrationem. Ergo Iustinus, qui scribit panem Eucharistiae fieri corpus Christi per precēs verbi Dei, credebat Eucharistiam non esse solam figuram, sed re ipsa corpus Christi.

Quod autem Martyr cauillatur, consecrationem apud nos non fieri prece, sed verbis illis: *Hoc est corpus meum;* nimis leue

leue est, quia (ut supra saepe ostendimus) sancti Patres vocant mysticas preces omnium Sacramentorum formas, etiam non videantur habere formam precum; quia omnes illae formæ, quocunq; modo pronuncientur, continent in uocationem Dei, cuius virtute Sacraenta, & eorum effectus producuntur.

Videamus nunc quid Petrus Pseudomartyr adferat pro suo errore ex vero Martyre Iustino. Duo igitur argumenta profert. V N V M, ex hoc ipso loco a nobis citato, quod Iustinus dicit, pane Eucharistiae ali corpora nostra: hinc enim colligerum esse panem in Eucharistia, non autem corpus Christi, nisi significatiuè; non enim corpore Christi aluntur corpora nostra, sed animi tantum. Eandem obiectionem facit Boquinus in libro de cœna Domini. Sed Petrus Martyr proponit A L T E R U M ex Dialogo cum Triphone, ubi Eucharistiam vocat Iustinus panem, & poculum.

S E D hoc posterius iam supra refutatum est. A d illud prius respondeo duplice. P R I M O illa verba: (*Ex quo carnes nostræ per mutationem aluntur*) esse periphrasim panis, ex quo conficitur Eucharistia, ut sit sensus; Cibus ille, ex quo carnes nostræ ali solent, cum prece mystica consecratur, efficitur corpus Christi. Neq; obstat, quod Iustinus prius meminerit consecrationis, quam dicat ex eo cibo ali carnes nostras, ut aduerterit, sed dicit, per consecrationem cibum illum, ex quo carnes nostræ aluntur, fieri corpus Christi.

S E C U N D O respondeo, non esse nouum apud veteres, at presertim Irenæum, Hilarium, Nyssenum, Cyrillum, & alios, ut Eucharistia dicatur alere corpora nostra. Sed non intelligunt Patres, cum hoc dicunt, Eucharistia nutriti, vel angelicam mortalem substantiam corporis nostri, sic enim facerent. Eucharistiam cibum ventris, non mentis, quo nihil absurdius fingi potest: sed intelligunt, ut postea videbimus, per Eucharistiam ali corpora nostra ad immortalitatem, id est, suscipi re ex contactu carnis Christi vim quandam, seu disponitio nem ad gloriosam resurrectionem, & vitam immortalem, quod ex verbis illis deducunt, Ioan. 6. *Qui manducat meam carnem, & bibit meum sanguinem, habet vitam eternam. & ego resuscitabo eum in nouissimo die.* Sed de Iustino hec.

CAPV